

15.11.2016

## **2017-imut aningaasanut inatsisissap aappassaaneerpeqarnera**

(anigaasaqarnermut aatsitassanullu naalakkersuisoq )

Aningaasanut inatsisissamut aappassaaneerinermit Siumumiit imatut oqaaseqassaagut.

Aningaasanut inatsimmut isumaqatigiinniarnert maannamut assut Siumumiit paaseqatigiittumik ataqpeqatigiillunilu isumaqatigiinniarnert nuannersumik pitsaasumik oqaloqatigiiffiusut tusaaneqarlutalu misigisimaffigisavut, Siumumiit nuannaarutigaaavut.

Upernaaq ataatsimiinermi ukjarlu manna atatsimiineq ajuusaarnartumik inuviaqatigiit inatsisiliorfigineqartut Radio atorlungu tusarnaarneqarsinnaagillat tamanna Siumumiit naamagigilarput isumaqarluta aqqiisoqartariaqartoq angalasut sulisartut eqqarsaatigalugit TV-kut periarfissaqanngimatta, malinnaanissaminnut naak Radio-ip aningaasalersuiffigineqarnera allanngortinneqarsimannngikkaluartoq.

Inuviaqatigiinni pisussaafipput naapertorlungu aningaasalersuisarpugut kalaallit nunaata Radiuanut Siumumiit piumasaraarput iliuseqartoqartariaqartoq, naamaginartumik minnerugitsumik Radio Atorlungu inatsisartut ataatsimiitarneri naalaarneqarsinnaaginnerat aqqiiviginiarlungu Siumumiit kalaallit nunaata Radioanut anigaasaliisutaareersut iluini Kanalimik inatsisartut ataatsimiinerinik aallakaatitsisinnaasumik pilersitsinissaq aqqutissiuunneqassasoq 2017-imut anigaasaliisutaareersut iluini piumasaraarput.

Taamatullu Kangaatsiami atuarfik oqummik eqqugaalluni atorsinnaajunnaartoq piaartumik suliniutigeqqarput,qaasuitsup kommuunia suleqatigalugu aningaasanut inatsit 2017-imut aqqutigalugu aningaasaliisoqarnissaa suliniutigeqqullugu.

Nersutinut toqoraavik neqe a/s Narsamiitsoq aamma Lilleholm ApS Maniitsumiitoq nunatta iluani tunisassiornikkut pigaarutilimmik inissisimapput suliffiit taakku suliffissuit allat assigalugit oqilisaaneqarsinnaasariaqarput, aamma taamaappoq nunatsinni kalaaliminernik tunisassiortartut allat immikkoortitsinngitsumik innaallagissamut suliffissuarnut akigitinneqartut aqqissuunneqartariqarput. Nunatta soqutigisariaqarpaa nunap iluani tunisassianik ineriartortitsinermi atugassarititaasut pitsaasuunissaat taamaattumik innaallagissamut oqilisaassutaasinnaasut aamma suliffissu-

arnut taakununga atuutariaqarput, suliffissuimmi aningaasarpassuarnik iluanaaruteqarfiusut oqili-  
saanqartarput, nunatsinni inerisaanermik nunallu iluani tunisassianik annertusaasagutta ingerla-  
tsinermi aningaasartuutitut oqilisaassisinnaanermut periarfissat aamma atuuttariaqarput, taamaattu-  
mik naalakkersuisut tamanna sulissutigissagaat piumasaraarput. aningaasanut inatsisikkut 2017-miit  
anigaasaliinikkut, aningaasanullu inatsississamik pingajussaaneerinissamut naalakkersuisut  
siunnersuuteqassasut kaammattorpavut.

**Kalaallisuumiit qallunaatumut nutserusiornissamut anigaasaliinissaq** siunissami millioni-  
likaanik sipaarutaalersitsisussaavoq. Nutserusiornissamut atortussat tungaviusut 90%-iisa missaat  
maannakkut oqaasileriffiup piareersimavai, alloriarnissallu tulluuttup ingerlateqqinissaanut massak-  
kut anigaasaliinissaq apequtaaginnaleqqavoq, innersuusutigissavarput 2017-imut ukiunullu missi-  
gersuuteqarfiusunut ukiumut 2-mio kr -nik anigaasaliisoqassasoq taamaalilluni ineriartornermut  
oqaatsitta Google-kut nutserneqarsinnalernissaat aqutissiuusseqataaffigissavarput pingaartumik  
ataasiinnarmik oqaaseqartut eqqarsaatigalugit siunissamut anigaasaliinerussaag siunissami sipaa-  
ruteqarfiusussaq.

Ilinniartitaaneq tamanit pigaartinneqarpoq minnerugitsumik inuusutissarsiutitut ilinniartunut  
atugassarititaasut, pitsangorsarneqartuarnissaat Siumup pingaartitaraa, ilinniartuullutit praktikker-  
fissarnik illoqarfimmi allami pissarsisimaguit ullumikkut periuttit atuuttut malillugit tamanna  
ilinniartitaanernut atatillugu akilerneqarsinnaagilaq illilli nammineq akiligassaraat qanoq aamma  
ilinnialersussanut pisortat taamatut piumasaqarsinnaagamik ? ilinniarninni illoqarfimmi allami  
Praktikkerfissannik nassaarsimaguit tamanna pisortanik akilerneqarsinnaasariaqartoq Siumumi  
isumaqarpugut taamaatumik naalakkersuisut kaammattorpavut tamatuma aqqiviginissaanut  
periarfissat misissoqqullugit aqqiivigeqqullugillu, ilinniarnissamut periarfissat kajumilersitsisus-  
sapput aporfissanik pilersitsiviunatik.

Aningaasanut inatsisissamut isumaqatigiinniaratta nunatsinni efterskolertunut ilaqutariit 340.000  
kr.-nit tikillugit isertitallit tapiifigineqartarnerat nunatsinni efterskolerniartunut periarfissaalissasoq  
isumaqatigiinniassutigaarput, anigaasaliisoqarnissaalu aningaasanut inatsimmut ilanngunneqarpoq  
2017-mut ukiunulu missigersuusiorfiusunut, **Konto pingarneq;40.10.12** taamaattorli  
oqaasertamini allanguuteqartinneqarani, oqaasertarliussani oqaaseqatigiit: **Kalaallit nunatsinni**  
Danmarkimilu ilangunneqassasoq innersuupparput, taamaalilluni nunatsinni aamma Efterskoler-  
niartunut angajoqqaat akiliisinneqartarnerat taamaatinneqassaaq.

Naalakkersuisooqatigiinermi nutaami namminersulernissamut naalakkersuisoarfirmik pilersitsinermut atatillugu aningaasaliisoqarnissaa pingajussaaneerinninermut aningaasaliisoqarnissaa kaammattutigissuarput, suliassa qarfiup pimoorullugu sulissutiginnissaa aningaasatiguttaaq pisariaqartoq takusinnaagatsigu, naatsorsuutigalugu aningaasanut inatsisip pingajussaneerneqarnissaanut naalakkersuisut aningaasaliinissaq sulissutigissagaat.

Aapassaaneerinermi taamatut oqaaseqarluta pingajussaaneerneqarnissaanut saqqummiussavut innersuullugit Aningaasaqarnermut Akileraartarnermullu ataatsimiiitaliami pingajussaaneerneqartinnagu suliareqqinneqarnissaa innersuupparput.

Jens Immanuelson, Siumut